

欽定禮記文疏

第二函
第八冊

欽定禮記義疏卷第二十

月令第六之一

正義

陸氏德明曰。此本呂氏春秋。後人刪合爲此記。蔡邕

王肅云。周公所作。

孔氏穎達曰。鄭目錄云。名月令者。以

紀十二月政之所行也。本呂氏春秋十二月紀之首章。禮家好事抄合之。其中官名時事。多不合周法。此於別錄屬明堂陰陽。今案呂氏春秋與此文同。是一證也。又周無犬尉。秦官有之。而此月令云。乃命犬尉。秦以建亥爲歲首。此於戌月云。來歲受朔日。又周郊天迎氣。用大裘乘玉輅。建大常。而此服飾車旗。竝依時色。此皆不合周法之證也。或謂不韋死十五年。秦并天下。然後以十月爲歲首。不韋焉。

得以十月爲正。又周書先有月令。何得云不韋造。又秦并天下立郡。何得云諸侯。又秦好兵毒害。何能布德施惠。而鄭必謂不韋作者。不韋集諸儒爲一代大典。亦采擇舊章成之。但秦自不能行耳。秦自文公獲黑龍以爲水瑞。焉知不早以十月爲歲首乎。柳氏宗元曰。呂氏春秋十二月紀。漢儒措諸經以爲大法。然而政令有必俟時而行者。若孟春脩封疆。端徑術。季春利隄防。達溝瀆。備蠶器。合牛馬。

孟夏勸農。仲夏班馬政。聚百藥。季夏行水。殺草。孟秋納材。

葦。

案聚百藥在孟夏。此曰仲夏。納材葦在季夏。此曰孟秋。竝誤。或柳所見本有不同與。

仲秋勸種麥。

季秋休百工。孟冬築城郭。脩囷倉。仲冬伐木。季冬講武。出種計耕等事。必俟時而行。所以敬授人時也。其餘郊廟百

祀亦古之遺典不可以廢若布德和令聘士禮賢行爵出
祿選士厲兵任有功誅暴慢易關市來商旅正貴戚近習
罷官之無事去器之無用皆不必俟時而行者也變天道
絕地理亂人紀舍孟春即可乎作淫巧蕩上心舍季春即
可乎張子曰月令大率秦法然采三代之文而爲之不
無古意又曰月令儘有美意未易可破厚論亦未

安若春行賞秋行刑止舉大綱如此若云冬日則飲湯夏
日則飲水豈曰冬日不得飲水夏日不得飲湯也陳氏

祥道曰天人之道雖殊而象類之理則一聖人將有行將
有爲也仰觀日月星辰霜露之變俯察蟲魚草木鳥獸之
化不先時而起不後時而緇以之授民事而無不順因物

性而無不適。馬氏晞孟曰。歷象日月星辰。以授民時。自堯以來。未之有改也。舜齊七政。周用五紀。其究一也。蓋日月星辰之往來不窮。進退相代。終始相循。天以是命萬物。而人奉之以爲令。亦因是也。夏之政典。先時與不及時。其罪至於殺。蓋欲百官萬民謹其令而順承之也。月令之書。亦後儒祖先王之餘。而傳會成之。黃氏震曰。中雖多雜。秦制然以脩人事。以授民時。庶幾唐虞欽若之遺意。故君子有取焉。至其以五行配五帝。則本鄉衍五運之說。而推衍之。天子南面有常位。而月異其處。五輅各有用。而時拘其色。以至五穀六畜。日用飲食之常。亦隨時而變。不太拘。然且五氣運而四時行。天地閒無乎不在。苟拘於一。則緘

機不運何名造化。大抵秦漢諸書多以先王遺說爲本。而
雖以後世煩碎爲博。亦不特月令一書然也。若其文辭與
呂氏春秋異者。則大約本文多是。而月令傳寫爲訛。閒亦
有是者。當參考以定之。

案帝王因時布政之大略。昉於唐堯之命羲和。故曰。月者
天之運令者。君之政。王者之政其道莫大於因天。嗣後夏
有小正。商有王居明堂禮。周有時訓。有月令。至秦而有呂
氏春秋。漢有淮南時訓。唐亦有唐月令。遞相祖述而損
益更變之。今惟王居明堂禮不存。而諸書具在。取以相質。
則小正時訓文字與此迥異。而呂氏春秋與此大同。則此
取之呂氏春秋。無可疑者。淮南時訓則取此而稍變之。唐

月令則取此而并參以鄭說更其前後今取呂氏本文及四書互相參考以通其說云。

孟春之月日在營室昏參中旦尾中

參所林反或讀驂又日在營室淮南子作招搖指寅

昏參中夏小正作鞠則見初昏參中斗柄縣在下

正義鄭氏康成曰孟長也日月之行一歲十二會聖王因其

會而分之以爲大數焉觀斗所建命其四時

孔疏北斗循天而轉行建一月

一辰辰三十度九十六分度之四十二正月建寅二月建卯三月建辰四月建巳五月建午六月建未七月建申八月建酉九月建戌十月建亥十一月建子十二月建丑

此云孟春者日月會於娵訾

孔疏娵訾

亥次之號營室號娵訾

而斗建寅之辰也凡記昏明中星者爲人君南

面而聽天下視時候以授民事

高氏誘曰營室北方宿衛

之分野

孔氏穎達曰春蠢也物蠢生也秦以十月爲歲首

不用秦正而用夏時者以夏數得天故用之也周禮田獵祭祀亦用夏正夏正正月建寅寅引也律歷志引達於寅三統歷立春日在危十六度昏畢十度中正月中日在室十四度昏井二度中元嘉歷立春日在危三度昏昴九度中正月中日在室一度昏觜觶一度中月令昏明中星不與歷正同但一月之內有中者卽得載之其二十八宿體有廣狹星有明暗見有早晚明者早見晚沒暗者晚見早沒此但舉大略耳餘月可知書緯考靈曜云主春者鳥星昏中可以種稷主夏者心星昏中可以種黍主秋者虛星昏中可以種麥主冬者昴星昏中入山可以斬伐其器械王者南面而坐視四星之中而知民之緩急急則不賦力役敬民事也陳氏祥道曰

不特如孔氏引書緯所言龍見而雩。火流而授衣。天根見而
成梁。水昏正而栽。日至而畢。凡所以奉天順人。莫不視乎此。
方氏慤曰。日在營室。日月會於營室之辰也。會在營室。則
知月之建寅中。謂中於南方。先昏而後旦。順陰陽之義也。案
言分至之所中。此言昏旦之所中。彼
以時爲主。此以月爲主。故詳略不同。

通論方氏慤曰。日與月會。而此獨稱日者。陽以成歲爲事。而
陰特從之。故以日爲主。與書言出日納日。而不及月同意。二
十八宿分布於四方。晝夜運而歲一周焉。每月之內。或見乎
昏而中。或見乎旦而中。昏參中。旦尾中。則知此月之爲孟春。
而餘月可知已。自角至箕。東方七宿。其形象龍。謂之蒼龍。角
二星。龍角也。亢。喉也。總攝奏事聽訟。有出納之象。氏。邸也。人

所托宿爲王者之後宮房爲東方之中星而日乘焉於時爲
闕戶之卯心火星心藏屬火尾爲後宮之場箕有簸揚之形
自斗至壁北方七宿其形象龜蛇謂之玄武斗主挹注牛主
犧牲女主嫁娶虛主邑居危爲屋蓋其形高危室爲營宮室
之候壁主圖書之府自奎至參西方七宿其形象虎謂之白
虎奎主溝瀆婁爲聚眾胃爲五穀之府昂爲西方之中星而
日乘焉於時爲闕戶之酉畢主弋獵觜主收斂參以三相參
又主殺伐故謂之參伐自井至軫南方七宿其形象鳥謂之
朱鳥井主水衡鬼爲積尸柳主草木星數有七謂之七星二
十八宿皆星獨此謂之星者居南之中得陽之正故也張主
張施翼爲羽翼主遠客軫主任載月令不及東方之箕西方

金匱要略卷二十一
之昴南方之鬼與張以非日之所在又非昏旦之所中故也
弧與建非二十八宿而仲春昏旦舉之者弧近井建近斗斗
井度寬非是莫適指也弧有張弧之形建有建旗之義故名
之其間考之歷法不無小差要以記時而已

案此謂立春後三十日也營室北方火宿二星上有離宮六
星遶之其廣十度此星昏而正中可以營建宮室故謂之營
室月建寅而日在亥寅與亥合也參西方水宿七星三心二
局二足其廣十度乃白虎之身其前有觜卽虎之口古法先
觜後參今法先參後觜以觜今無度故轉以參度屬觜蓋每
方七宿以七政木金土日月火水爲序則今當云參火觜水
其實不異也尾東方火宿九星如鉤乃蒼龍之尾唐月令正

月之節日在虛昏昴中曉心中斗建寅位之初正月中氣日在危昏畢中曉尾中斗建寅位之中通書立春日在虛二度雨水日在危九度今時憲書立春日在女六度雨水日在虛九度古法娵訾初危十六度終奎四度今法初危初度終室九度蓋二十八宿雖曰經星不動其實亦動故動而漸東大約三百餘年乃見其東行一度也

其日甲乙

句上淮南子有其位東方句

正義

鄭氏康成曰甲孚甲乙之言軌也日之行東從赤道發

生萬物月爲之佐

孔疏緯云月有九道赤道二出黃道東赤道二出黃道南白道二出黃道西黑道二

出黃道北并黃道而九也春時星辰西遊黃道近西日體不移依舊而行當赤道上月亦從赤道上升陰佐於陽故也時

萬物皆解孚甲自抽軌而出因以爲日名焉

孔疏孚甲在前抽軌在後而相

去不遠。早生者卽孟春。甲而抽軋。晚生者卽乙。不爲月名。

季春。子甲而抽軋。

因其抽軋以爲日功之名。

者君統臣功也。

孔疏。月既佐日。同有甲乙之功。獨以甲乙爲日名。不以乙爲月名。日統月之功。猶君統臣

之功。

孔氏穎達曰。律歷志云。出甲於甲。奮軋於乙。

陳氏祥

道曰。甲數九。乙數八。同於爲木爲仁。

彭氏廉夫曰。十日名

十幹。又名十干。謂十日出乎天。若木之有幹。支應十二月。若

木之有支也。

張氏處曰。天有十日。以應五行。播於四時。故

十日各有所屬。甲乙屬春。以春盛德在木也。

通論

陳氏祥道曰。日以辰爲子。辰以日爲母。母爲幹。子爲支。

幹爲陽。故二五而十。支爲陰。故二六而十二。古人事在仁義。

則以甲庚斷之。若易所稱先甲後甲。先庚後庚是也。日在甲

庚。則以其物象之。若春秋傳稱神降之日。亦其物之類是也。

月令言日不言辰以辰統於巳故也。馬氏晞孟曰甲丙戊庚壬陽也乙丁己辛癸陰也。一陰一陽每相爲用。十日分麗於五行用事者王。此王則彼竭矣。故曰五行之動迭相竭也。**案**十干出於河圖動而圓故戊己土居中象五十也。十二支出於洛書靜而方故丑辰未戌土居隅象二四六八也。十干陽日剛陰日柔凡外事用剛日內事用柔日。

其帝大皞其神句芒

大音泰皞吳通句音鉤芒音忙

正義

鄭氏康成曰此蒼精之君木官之臣自古以來著德立

功者也。大皞宓戲氏句芒少皞氏之子曰重爲木官。孔氏

穎達曰元氣廣大謂之皞東方生養元氣盛大西方收斂元氣便小故東方之帝謂之大皞西方之帝謂之少皞。伏羲德

能同天故亦稱大皞初出於震未有所因故位在東而主春
木初生時句屈而有芒角左傳少皞氏有四叔重爲句芒楚
語重爲南正司天重人號雖子孫皆號曰重故楚世家言高
辛誅重非此重猶羿爲堯時射官夏后相時猶有羿也服虔
云少皞以上天子之號以德百官之號以徵顓頊以來天子
之號以地百官之號以事然顓頊堯舜兼有德號大皞立德
句芒立功故春祀之大皞句芒相去懸遠以皆有生木之功
故取以相配焉句芒爲臣大皞亦神言帝言神互相通也

王氏曰其帝卽易帝出乎震之帝盧氏翰曰皞者大起萬
物擾也句者物之始生芒之言萌也陳氏祥道曰五帝以
德五神以功德則究其所乘之勢而本之功則推其所職之

重而歸之也。馬氏晞孟曰：天地以五行成萬物，必有以尸之，則生而有功德於民者，沒而祀之，以主時事，不亦宜乎。

通論馬氏端臨曰：五帝之祀見於周禮，五帝之義見於家語。程子謂以形體謂之天，以主宰謂之帝，如此則曰帝可矣。何必列於五，且於祀上帝之外別立祀五帝之禮乎。蓋五帝爲五行之主而在天，猶五岳爲五行之鎮而在地，五帝不出天之外而謂五帝卽天不可，五岳不出地之外而謂五岳卽地不可。

案天有五行，則有五行之帝，亦有五行之神。帝者氣之主宰，神者氣之流行。大皞炎帝黃帝少皞顓頊在天，五行之帝；伏羲神農軒轅金天高陽則人帝之配，食於此者，句芒祝融后

金匱要略卷二
土蓐收立冥在天五行之神。重黎句龍該脩熙則人官之配
食於此者。古稱大皞乘震執規而司春。炎帝乘離執衡而司
夏。黃帝乘坤執繩而司下土。少皞乘兌執矩而司秋。顓頊乘
坎執權而司冬。豈伏羲五人帝之謂哉。自康成過信緯書曰
木德之帝名靈威仰。火德之帝名赤熛怒。土德之帝名含樞
紐。金德之帝名白招拒。水德之帝名汁光紀。於是不得不以
大皞炎黃專屬之人帝。王子雍起而力矯之。遂謂止有五人
帝。竝無五天帝。又矯枉而過其正矣。孔氏東方元氣盛大謂
之大皞。木生句屈。芒角謂之句芒。其義甚明。而於鄭不駁疏
家之體有申說無駁論也。

其蟲鱗